

宋真宗御製玉京集卷之三

官三

宋真宗御製玉京集卷之二

官二

謝皇子加恩表一道

玉皇

嗣天子

臣某

誠感誠慶頓首頓首再拜

上言比者自天之祐下庇於本枝裂壤之封

獲頒於成命

臣

仰膺靈眷克盛帝國孺子勝

衣早憑丕蔭名邦祚土載峻寵章家邦之祉
實隆太紫之仁曷報惟思祇慄慎守於慶基
庶洽升平用承於大造臣無任感幸激切之
至謹奉表稱謝以聞臣誠感誠慶頓首頓首

再拜謹言

為疏決刑禁表一道

天

嗣天子

臣某

誠感誠慶頓首頓首再拜

上言伏念猥以眇冲撫茲億兆克隆繼體實

官三

自降祥今以方屬長羸深傷縲繫將仰祈於
錫羨敢俯議於在寬是用躬臨各從原減冀
延丕祐用保脩齡虔伸祗告之誠恭佇咸宜
之應謹奉表啓告以聞臣某誠感誠慶頓首
頓首再拜謹言

迎奉聖像表一道

天

嗣天子

臣某

誠感誠慶頓首頓首再拜

上言伏以答元命之符肇新於祕宇摹高真之像已慶於成功僊馭遠迎中塗俯屆荷威

靈之所被故跋履之攸宜敢薦精衷用揚丕
貺益期介祉以慰後來臣無任瞻望激切之
至謹奉表以聞臣某誠感誠慶頓首頓首再
拜謹言

謝立仗景色表一道

天

嗣天子

臣某

誠感誠慶頓首頓首再拜

上言伏以恭紹帝圖允膺天祐盛儀每舉純
嘏必臻比者聿屆元正言陳朝禮顧來庭於
萬國承錫祐於三靈旭景含和輿情胥悅蓋

官二

二

高穹之委鑒故景福以咸宜益勵夤恭用酬
保乂臣無任感幸激切之至謹奉表稱謝以
聞臣某誠感誠慶頓首頓首再拜謹言
上言謝皇后授冊表一道

歸天子天

給風給慶賜首頓首再拜

嗣天子

臣某

誠感誠慶頓首頓首再拜

上言伏念猥以眇軀紹茲寶命思隆內則用
訓多方今者妙選元妃俾臨中饋庶宗祊而
仰奉期風化而下流爰考令辰恭膺茂典緬
瞻霄極實茂於福禧俯守璿圖愈懷於祗慄
臣無任感幸激切之至謹奉表稱謝以聞臣
某誠感誠慶頓首頓首再拜謹言

降聖節謝表一道

天

嗣天子

臣某

誠感誠慶頓首頓首再拜

上言伏以早紆颺駕俯降中闈親聽寶音緬
聞鴻緒肇新令節用茂純禧今則聿屆首冬
復臨元日祺祥總至實顯於顧懷夙夜勵精
用承於保佑臣無任感幸激切之至謹奉表
稱謝以聞臣某誠感誠慶頓首頓首再拜謹

言

冬至謝表二道

嗣天子

臣某

誠感誠慶頓首頓首再拜

上言伏以建子之月履長之辰九域蒸藜克

隆於祉福萬齡命歷益洽於延洪臣內顧眇
躬紹膺丕構無疆之佑曲荷於鑒臨若屬之
心益隆於欽奉臣無任感幸激切之至謹奉
表稱謝以聞臣某誠感誠慶頓首頓首再拜
謹言

玉皇

嗣天子臣某

誠感誠慶頓首頓首再拜

上言臣祇守成基顧慙涼德膺上穹之錫祐
致率土之洽平今以冬律戒期天正協節九
圍底定咸被於福禧五稼順成罔聞於疵癘

荷紫清之貺施增夙夜之戰兢期益勵於撫
綏用永康於生植臣無任感幸激切之至謹
奉表稱謝以聞臣某誠感誠慶頓首頓首再
拜謹言

年節射表一道

天

嗣天子

臣某

誠感誠慶頓首頓首再拜

上言伏以三陽肇始萬彙咸新溥率來賓或
脩於職貢照臨無外並洽於王正臣獲紹慶
靈誕膺保佑懷生之福既荷於昭彰報貺之

心愈增於祗慄臣無任感幸激切之至謹奉
表稱謝以聞臣某誠感誠慶頓首頓首再拜
謹言

謝聖祖降表一道

三清

官三

嗣天子

臣某

誠感誠慶頓首頓首再拜

四

上言今月十七日十八日獲於夕寐得奉靈
期二十四日爰在禁庭肇紆飈駕丕休所集
方冊未聞眇德載思戰兢罔措伏念臣紹承
命曆臨撫烝黎夕惕靡忘夙興是念高穹之

聽俯鑒於勵精率土之濱克諧於治定向者
存頒祕籙恭展上儀實愧冲人遽揚盛節比
者九天司命天尊神遊預兆僊馭下臻仰覲
睟容俯聞寶訓清都景祐紛屬於有邦紫府
高真誕恢於駿命此蓋三神介祉百福來同
錫乃鴻禧彰于玄鑒敢不愈勤夙夜益加恪
恭庶增祗慄之懷永報監觀之德臣無任感
幸激切之至謹奉表稱謝以聞臣某誠感誠
慶頓首頓首再拜謹言

上梁表一道

玉皇

嗣天子

臣某

誠感誠慶頓首頓首再拜

上言伏以向者元符申錫靖館肇營建寶閣
之宏規奉靈文之祕檢僞工有漸層構爰成
言屆今辰聿陞巨揅俾殊猷而允集荷介祉

官三

五

之下昭益勵夤恭用膺顧謚臣無任感幸激
切之至謹奉表稱謝以聞臣某誠感誠慶頓
首頓首再拜謹言

祈福表四道

聖祖天尊大帝

嗣天子臣某誠感誠慶頓首頓首再拜

上言伏以慶靈下浹肇啓昌圖祉福無疆實
期丕蔭臣永惟眇質思獲純禧敢虔望於清
都用恭禱於鴻應伏望誕彰景貺以庇於家
邦允勵精心庶安於海域臣無任精虔激切
之至謹奉表奏告以聞臣某誠感誠慶頓首
頓首再拜謹言

又

嗣天子

臣某

誠惶誠懼頓首頓首再拜

上言伏以靈謀降鑒世德儲禎昭積累之鴻

仁佑盈成之丕緒臣顧惟眇質克紹慶圖祇
述精衷用祈鴻應伏望夤威克照祉福茂臻
彰景貺於九清保崇基於億載臣無任精虔
激切之至謹奉表奏告以聞臣某誠惶誠懼
頓首頓首再拜謹言

又

嗣天子

臣某

誠惶誠懼頓首頓首再拜

上言伏以長發之符克成於帝業丕匱之孝
思集於天祺載念臣祗荷慶靈惠綏區寓將
析純嘏允勵精心伏望美應無疆祥徵丕顯

愈勤績服用報詒謀臣無任精虔激切之至
謹奉表奏告以聞臣某誠惶誠懼頓首頓首
再拜謹言

又

嗣天子

臣

某

誠惶誠懼頓首頓首再拜

官三

六

上言伏以帝圖之盛實自於發祥道蔭之隆
允期於降顧臣茂承丕緒思庇無疆祗叩玄
都庶諧有應伏望昭彰純嘏鑒佑下方愈極
夤威用承覆冒臣無任精虔激切之至謹奉
表奏告以聞臣某誠惶誠懼頓首頓首再拜

謹言

謝道場表一道

聖祖天尊大帝

嗣天子

臣某

誠感誠慶頓首頓首再拜

上言

臣

祇答降禎虔脩法醮荐隆孚佑愈罄

精心慶五稼之順成仰懷丕蔭考九清之科

教用達至誠高明洞照於丹衷興寐益欽於

鴻應臣無任感幸激切之至謹奉表稱謝以

聞臣某誠感誠慶頓首頓首再拜此言

五嶽觀祥異表一道

玉皇

嗣天子臣某誠感誠慶頓首頓首再拜

上言伏以列嶽儲祥中區是仰集靈建宇宏

構方新精感所通明徵斯顯表神心之鑒佑

增人意之夤威內顧眇躬獲臻嘉應欽酬景

官三

既倍勵素衷臣無任感幸激切之至謹奉表

稱謝以聞臣某誠感誠慶頓首頓首再拜謹

言

星見謝表一道

玉皇

嗣天子

臣某

誠感誠慶頓首頓首再拜

上言昨以祗謁檜庭欽崇於至道仰瞻珠緯
濬發於丕禎觀瑞彩於德星見祥徵於寶曆
太宮飲至歲律未移霄極著明靈輝再覲穹
蒼垂祐溥率同和冲眇之軀荐臻於福祉凌
兢之志愈切於纘承臣無任感幸激切之至
謹奉表稱謝以聞臣某誠感誠慶頓首頓首
再拜謹言

謝玉津園種成占城稻表一道

玉皇

嗣天子

臣某

誠感誠慶頓首頓首再拜

上言向者肅膺寶眷昭示嘉生自殊俗而結
根屆中區而挺質可滋瘠土足拒驕陽俾畎
畝之農民保倉箱之歲事爰居靈囿肇伸播
植之功暨涉商秋允副順成之望洪此景貺
茂集禎圖愈勵克恭奉承介祉臣無任感幸
激切之至謹奉表稱謝以聞臣某誠感誠慶
頓首頓首再拜謹言

謝降制立后表一道

玉皇

嗣天子

臣某

誠感誠慶頓首頓首再拜

上言伏以臣實愧眇躬獲膺寶命思崇內治
用訓中區必淑問以言求冀柔儀而允穆某
氏早聞令德夙冠後庭將敷化於河洲俾正
名於椒掖已頒明詔俯告外朝此蓋亨昊眷

官三

八

懷家邦集慶期茂揚於壺教庶祇奉於宗祊
恭答景靈敢忘勵志臣無任感幸激切之至
謹奉表稱謝以聞臣某誠感誠慶頓首頓首
再拜謹言

謝景色表一道

玉皇

嗣天子

臣某

誠感誠慶頓首頓首再拜

上言伏以臣獲紹成基誕膺丕佑將興盛典
必荷殊禎比者言舉舊章式崇中饋當外庭
之誕告遽美應以來臻景物融和祺祥昭顯
但內增於乾鞏用仰答於高明臣無任感幸
激切之至謹奉表稱謝以聞臣某誠感誠慶
頓首頓首再拜謹言

謝禮畢表二道

玉皇

嗣天子

臣某

誠感誠慶頓首頓首再拜

上言伏以靈期昭示真馭格思錫以天禧述

茲帝緒欽承寶命冀答於丕休祇率精衷用

伸於明薦至神委鑒美應誕敷景氣融和祺

祥昭顯紹膺純祉允茂珍圖敢忘夙夜之憂

官三

九

勤以答圓清之貺施

臣

無任感幸激切之至

謹奉表稱謝以聞

臣

某誠感誠慶頓首頓首

再拜謹言

又

嗣天子

臣某

誠感誠慶頓首頓首再拜

上言伏以肇膺寶命旋降真遊述帝緒之縣
長示天休之紛屬至神保佑允協於格思嘉
薦苾芬敢伸於昭報虔誠洞達美應章明旭
景流輝殊禎表異載惟涼薄克荷監觀勵精
意而有加答景靈而無捨臣無任感幸激切
之至謹奉表稱謝以聞臣某誠感誠慶頓首
頓首再拜謹言

奉天節表一道

玉皇

嗣天子

臣某

誠感誠慶頓首頓首再拜

上言伏以穹昊降康祖宗流慶顧惟眇德獲
紹丕圖當仲呂之御辰乃猗蘭之協吉隆平
之緒昭介祉於中區保佑之徵荷錫禧於霄
極愈思勵翼用答監觀臣無任知感戰汗激
切之至謹奉表稱謝以聞臣某誠感誠慶頓

首頓首再拜謹言

謝迎奉聖像瑞應表一道

玉皇

嗣天子臣某誠感誠慶頓首頓首再拜

上言昨以緬瞻福地摹肖像而成功祇遣輔

臣奉僊遊而戒路荐承委駟銓誕集繁禧屬跋
履於洪川實紛綸於景貺奉安恭館永伸欽
翼之心錫祐睿圖常佇昭彰之應臣無任感
幸激切之至謹奉表稱謝以聞臣某誠感誠
慶頓首頓首再拜謹言

十三

十

宋真宗御製玉京集卷之三



